

MPN/plc

**ACTA DA SESIÓN ORDINARIA DA COMISIÓN INFORMATIVA DE COOPERACIÓN
LOCAL, TRANSFRONTEIRIZA E DE COORDINACIÓN DAS EMERXENCIAS
PROVINCIAIS DO DÍA 24/01/2025**

ASISTENTES

PRESIDENTA: D.^a María Pilar Ramallo Vázquez

VOGAIS: D. Roberto José Álvarez Carrero

D. Javier Tourís Romero en substitución de D.^a Luisa María Sánchez Méndez

D. Rafael Domínguez Artime

D. Jorge Cubela López

D. Jesús Vázquez Almuíña

D. Ricardo Martínez Chantada

D. Manuel Alejandro Lorenzo Alonso

D.^a María Nava Castro Domínguez

D.^a Nuria Rodríguez Rodríguez

D. Gorka Gómez Díaz

D.^a Digna Rosa Rivas Gómez

D. Paco Ferreira González

D. Gregorio Luis Agís Gómez

D. Javier Iglesias Mougán

D. Xosé Cesáreo Mosquera Lorenzo

D.^a Beatriz Lomba Rodríguez

Sendo as doce horas e cinco minutos do día vinte e catro de xaneiro do ano dous mil vinte e cinco, reúnense no Pazo Provincial os Sres./as. Deputados/as arriba relacionados, en sesión ordinaria, e baixo a Presidencia de D.^a María Ramallo Vázquez. Actúa como secretaria a xefa do Servizo de Cooperación, D.^a Marina Piñeiro Novo.

Aberta a sesión pola presidenta, pásase ao estudo dos asuntos incluídos na Orde do Día, sobre os que recaeron os seguintes ditames:

1. Aprobación da acta da sesión anterior

Apróbase a acta da sesión anterior (CSV: X9TZABM6V3C8FZY2), correspondente á sesión ordinaria celebrada o vinte de decembro do ano dous mil vinte e catro por unanimidade.



2. Ditaminar a corrección de erro de feito nas bases reguladoras do Plan de Obras e Servicos de competencia municipal (Plan + Provincia) 2025 (Expte. 2024082825)

De conformidade co establecido nos artigos 123 e 126 do R.D. 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ao Ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo antes da súa elevación ao Pleno:

"PROPOSTA DE ACORDO

CORRECCIÓN DE ERRO DE FEITO NAS BASES REGULADORAS DO PLAN DE OBRAS E SERVIZOS DE COMPETENCIA MUNICIPAL (PLAN + PROVINCIA) 2025 (Expte.2024082825)

O Pleno da Corporación Provincial na súa sesión ordinaria do 27 de decembro de 2024, mediante acordo núm. 3.8316, aprobou as bases reguladoras do Plan de Obras e Servizos de competencia municipal (Plan + Provincia)2025, cuxo texto completo pode consultarse no BOPPO núm. 1, de 02 de xaneiro de 2025, e na na Base de Datos Nacional de Subvencións (<http://www.pap.minhap.gob.es/bdnstrans/index>).

Resultando que tras a aprobación das bases, detéctase un error de feito na transcripción de dúas porcentaxes nunha táboa que se atopa incluída na base 6ª das reguladoras, sen que dito erro teña efectos sobre a distribución do crédito entre os Concellos dado que para a repartición do mesmo aplicáronse as porcentaxes correctas.

Considerando o disposto no artigo 109.2 da Lei 39/2025, de 1 de outubro, de Procedemento Administrativo Común das Administracións Públicas e vista a dilixencia de conformidade da Intervención Provincial, de data 9 de xaneiro de 2025, sométese ao ditame da Comsión Informativa de Cooperación a seguinte proposta de acordo:

1º.- Correxir o erro de feito detectado na transcripción de dúas porcentaxes nunha das táboas incluídas na base 6ª das reguladoras do Plan de Obras e Servizos de competencia municipal (Plan + Provincia) 2025, do modo seguinte:

Onde dí:



Grupos de concellos	Ata 10.000 habitantes	De 10.001 a 20.000 habitantes	De 20.001 a 50.000 habitantes
Porcentaxe fixa	45 %	45 %	45 %
Porcentaxe variable	55 %	55 %	55 %
Distribución variable			
Poboación	55 %	55 %	55 %
Superficie	25 %	25 %	25 %
Núcleos	10,22 %	16,93 %	17,34 %
Reto demográfico	9,78 %	3,07 %	2,66 %

Debe dicir:

Grupos de concellos	Ata 10.000 habitantes	De 10.001 a 20.000 habitantes	De 20.001 a 50.000 habitantes
Porcentaxe fixa	45 %	45 %	45 %
Porcentaxe variable	55 %	55 %	55 %
Distribución variable			
Poboación	55 %	55 %	55 %
Superficie	25 %	25 %	25 %
Núcleos	10,39 %	16,93 %	17,34 %
Reto demográfico	9,61 %	3,07 %	2,66 %

O resto do texto das bases permanece invariable.

2º ORDENAR a publicación da devandita corrección no Boletín Oficial da Provincia de Pontevedra (BOPPO) e na Base de Datos Nacional de Subvencións (BDNS).".

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por maioría cos votos a favor dos/as deputados/as do Grupo Provincial do PP (9), a abstención do Grupo Provincial do PSdeG-PSOE (6) e a abstención do Grupo Provincial do BNG (2).

3. Ditaminar a aprobación do Convenio de colaboración entre a Xunta de Galicia, a Federación Galega de Municipios e Provincias e as Deputacións Provinciais da Coruña, Lugo, Ourense e Pontevedra, en materia de emerxencias e prevención e defensa contra incendios forestais, para o desenvolvemento dos Grupos de Emerxencia Supramunicipais durante o periodo 2025-2027 (Expte. 2024083974)

De conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ao Ditame da Comisión Informativa de Cooperación



Local, Transfronteiriza e de Coordinación das Emerxencias Provinciais a seguinte proposta de acordo con carácter previo á súa elevación ante o órgano competente para a súa aprobación.

PROPOSTA DE ACORDO

Visto o informe-proposta do Xefe do Servizo de Asistencia Intermunicipal, de data 07/01/2025, que conta co conforme do Deputado Delegado de Emerxencias (CSV: QPU3K6VXG5BPADWO), co seguinte teor literal:

"O técnico que subscribe, no exercicio das competencias que ten asignadas e de acordo co disposto no artigo 8o da Lei 39/2015, de 1 de outubro, do procedemento administrativo común das administracións públicas, eleva a seguinte

PROPOSTA

OBXECTO

A presente proposta, de carácter administrativo, ten por obxecto emitir unha declaración de xuízo sobre a idoneidade de subscribir un novo convenio de colaboración entre a Xunta de Galicia, a Federación Galega de Municipios e Provincias e as Deputacións Provinciais da Coruña, Lugo, Ourense e Pontevedra en materia de emerxencias e prevención e defensa contra incendios forestais, para o desenvolvemento dos grupos de emerxencia supramunicipais durante o período 2025-2027.

XUSTIFICACIÓN DA NECESIDADE E OPORTUNIDADE DO CONVENIO (artigo 50.1 da Lei 40/2015, de 1 de outubro, de réxime xurídico do sector público)

Primeiro. A Xunta de Goberno da Deputación de Pontevedra, na sesión ordinaria celebrada o 30 de xaneiro de 2024, aprobou o convenio de colaboración entre a Xunta de Galicia, a Federación Galega de Municipios e Provincias e a Deputación Provincial de Pontevedra en materia de emerxencias e prevención e defensa contra incendios forestais, para o desenvolvemento dos grupos de emerxencia supramunicipais durante o ano 2024.

Segundo. Próximo a expirar o prazo de vixencia do anterior convenio, desde a Dirección Xeral de Administración Local remítese por correo electrónico o borrador do novo convenio de colaboración entre a Xunta de Galicia, a Federación Galega de Municipios e Provincias e as Deputacións Provinciais da Coruña, Lugo, Ourense e Pontevedra en materia de emerxencias e prevención e defensa contra incendios forestais, para o desenvolvemento dos grupos de emerxencia supramunicipais (GES) durante o período 2025-2027; ao igual que en anteriores ocasións, dito Convenio asinouse polas partes a finais de decembro do ano en curso, sendo necesario tramitar un novo expediente administrativo para a súa ratificación e aprobación.

Terceiro. Desde un punto de vista técnico, considerase necesario dar continuidade ao funcionamento dos Grupos de Emerxencia Supramunicipais para complementar a atención das



emerxencias e extinción de incendios forestais, xunto cos parques de bombeiros municipais e os parques de bombeiros comarcais na provincia de Pontevedra, de forma que se cubrirán zonas desprovistas de servizos de emerxencia cun ámbito de atención superior ao municipal.

Ordinariamente os GES desenvolven as súas funcións no ámbito de actuación adscrito aos mesmos, sen prexuízo de que deban intervir fóra deste ámbito territorial cando sexan mobilizados pola Central de Atención a Emerxencias 112 para a atención a emerxencias por razóns de cercanía ou necesidade de recursos adicionais.

Con carácter xeral os Grupos de Emerxencias Supramunicipais sitúanse estratexicamente en 35 localidades, que se corresponden con 35 zonas de actuación, e que por ter carácter supramunicipal permiten ofrecer cobertura, xunto cos demais servizos de emerxencia, a un total do 90-97% da poboación, segundo os técnicos da Xunta de Galicia.

Dentro das funcións dos GES se poden distinguir dous grandes bloques; as derivadas das propias situacións de emerxencia e as destinadas á prevención de incendios forestais, ambas as dúas que aparecen definidas en detalle na cláusula cuarta do presente Convenio.

De acordo co establecido na cláusula quinta, os GES dependerán tanto xurídica como organicamente do ente local polo que foron contratados, e en ningún caso os seus integrantes terán vínculo laboral coa Administración xeral da comunidade autónoma nin coa Deputación Provincial de Pontevedra.

Cuarto. Na provincia de Pontevedra o ámbito de actuación e cobertura a nivel provincial dos GES e os servizos municipais é a seguinte:

PROVINCIA DE PONTEVEDRA		
<i>Zona</i>	<i>Sede/s</i>	<i>Concello</i>
<i>Zona da Mancomunidad do Val Miñor</i>	<i>Mancomunidad</i>	<i>Baiona Gondomar Nigrán</i>
<i>Zona do Baixo Miño</i>	<i>A Guarda</i>	<i>Guarda, A Oia Rosal, O Tomiño</i>
<i>Zona do Grove</i>	<i>Grove, O</i>	<i>Grove, O</i>
<i>Zona de Deza</i>	<i>Lalín</i>	<i>Agolada Dozón Lalín Rodeiro Vila de Cruces</i>
<i>Zona de Tabeirós e Terra de Montes</i>	<i>A Estrada</i>	<i>Estrada, A Forcarei</i>



		Teo Vedra
Zona Redondela	Redondela	Pazos de Borbén Redondela Soutomaior
Zona Mos	Mos	Mos Pazos de Borbén Soutomaior
Zona Pontearreas Servizo Municipal	Pontearreas	Mondariz Mondariz-Balneario Neves, As Pontearreas Salvaterra de Miño
Zona Sanxenxo Servizo Municipal	Sanxenxo	Grove, O Meaño Poio Sanxenxo

Ao igual que no anterior convenio, os grupos de emerxencia supramunicipais da provincia de Pontevedra estarán formados por 12 membros salvo o concello do Grove que conta con 6 membros.

IMPACTO ECONÓMICO DO CONVENIO (artigo 50.1 da Lei 40/2015, de 1 de outubro, de réxime xurídico do sector público)

Co novo convenio as aportacións económicas totais entre as partes acadan as seguintes porcentaxes (punto sexto da parte expositiva):

Xunta de Galicia: 52,50 %.

Deputacións Provinciais: 40%.

Concellos: 7,5%.

De acordo coas porcentaxes de financiación, a aportación da Deputación de Pontevedra en cada ano será de 1.088.000,00 euros de acordo ao seguinte detalle:

Concello	Membros GES	Custo total GES (incluída prevención)	Achega Deputación (40%)
A Estrada	12	320.000,00 €	128.000,00 €
Lalín	12	320.000,00 €	128.000,00 €
*Redondela	12	320.000,00 €	128.000,00 €
Mos	12	320.000,00 €	128.000,00 €



A Guarda	12	320.000,00 €	128.000,00 €
Mancomunidade Val Miñor	12	320.000,00 €	128.000,00 €
O Grove	6	160.000,00 €	64.000,00 €
Ponteareas	Serv. Municipal	320.000,00 €	128.000,00 €
Sanxenxo	Serv. Municipal	320.000,00 €	128.000,00 €
TOTAL			1.088.000,00 €

O novo convenio non supón un incremento da aportación económica anual da Deputación de Pontevedra respecto ao do ano anterior.

En canto á periodicidade das aportacións e co fin de dotar de liquidez aos concellos, o convenio establece que no ano 2025 a Deputación realizará un adianto do 50% da súa achega tras a sinatura do convenio, o 25% no mes de setembro e o restante 25% no momento final de xustificación.

*En relación co anterior, tendo en conta que o GES de Redondela non está operativo a día de hoxe e que calquera adianto que se faga neste momento suporía a incoación dun posterior expediente de reintegro da subvención, se propón unha retención de crédito inicial por importe de **960.000,00 euros** que se verá suplementada posteriormente no caso de que dito GES se poña en funcionamento.*

*O financiamento das aportacións que no ano 2025 lle corresponden á Deputación Provincial de Pontevedra se realizarán con cargo á aplicación **25/923.1360.462.05** do vixente orzamento provincial; as aportacións dos anos 2026 e 2027, quedarán condicionadas á aprobación dos respectivos orzamentos para eses anos.*

VIXENCIA DO CONVENIO

*De acordo do previsto na cláusula décimo terceira, o convenio obxecto de informe estenderá a súa vixencia desde o **1 de xaneiro de 2025 ata o 31 de decembro de 2027**.*

Este convenio poderá ser obxecto de modificacións ou de prórrogas xustificadas, logo da tramitación da addenda correspondente e seguindo os trámites necesarios para a formalización oportuna.

FUNDAMENTOS XURÍDICOS

Primeiro. Segundo dispoñen os artigos 25 e 26.1 da Lei 7/1985, de 2 de abril, reguladora das bases do réxime local (LBRL) e os artigos 80 e 81 da Lei 5/1997, de 22 de xullo, de administración local de Galicia, os municipios deberán prestar á súa cidadanía os servizos públicos que contribúan a satisfacer as necesidades e aspiracións da comunidade de veciños, entre os que se atopan a seguridade en lugares públicos e a protección civil e extinción de incendios, polo que



teñen necesidade de contar con medios para poder facer fronte as súas competencias, compartidas e concorrentes, en materia de protección civil e emerxencias.

Nesta mesma liña, a Lei 5/2007, do 7 de maio, de emerxencias de Galicia no seu artigo 1.2 define a protección civil como "un servizo público esencial organizado nun sistema integrado de actuación para lles facer fronte aos riscos ordinarios e a riscos graves coa participación das distintas administracións públicas, baixo a coordinación e a dirección da Xunta de Galicia e coa colaboración cidadá." E coa mesma consideración, a Constitución española, o Estatuto de autonomía de Galicia, a Lei 2/1985 de protección civil e as sentenzas 123/1984, do 18 de decembro, e 133/1990, do 19 de xullo, do Tribunal Constitucional coinciden no carácter de servizo público esencial deste servizo.

Segundo. *En relación co anterior, a Deputación Provincial de Pontevedra, como órgano de goberno da Provincia, debe prestar asistencia e cooperación xurídica, económica e técnica aos concellos, para garantir a prestación integral e adecuada dos servizos públicos, no territorio da súa competencia, e, en particular, participar na coordinación da administración local coa da Comunidade Autónoma co fin de garantir os principios de solidariedade e equilibrio intermunicipal.*

Neste sentido o artigo 36.1.c) da LBRL establece como competencia propia das Deputacións a prestación de servizos públicos de carácter supramunicipal e, no seu caso, supracomarcal e o fomento ou, no seu caso, coordinación da prestación unificada de servizos dos municipios do seu respectivo ámbito territorial. En particular, asumirá a prestación dos servizos de prevención e extinción de incendios nos municipios de menos de 20.000 habitantes, cando estes non procedan a súa prestación.

Así mesmo, de acordo co previsto no artigo 26 da Lei 5/ 2007, do 7 de maio, de Emerxencias de Galicia, as Deputacións exercerán as súas competencias en materia de protección civil e xestión de emerxencias de acordo co previsto nesa lei, na lexislación galega de réxime local e na normativa estatal aplicable, correspondendo a estes garantir a prestación do servizo de protección civil e xestión de emerxencias, incluídos os servizos contra incendios e de salvamento, naqueles municipios que non contan con servizos propios, por non resultaren obrigados ou por teren obtida a dispensa deles.

Terceiro. *Pola súa banda, o artigo 198 da Lei 5/1997, de 22 de xullo, de Administración Local de Galicia establece a posibilidade de que as Entidades Locais celebren Convenios para a máis eficaz xestión e prestación de servizos da súa competencia.*

A través destes convenios as partes poderán coordinar as súas políticas de fomento dirixidas a un mesmo sector, distribuír as subvencións outorgadas por unha delas con referencia ao ámbito territorial ou poboación doutra, executar puntualmente obras ou servizos da competencia dunha das partes, compartir as sedes, locais ou edificios que sexan precisos para o desenvolvemento de competencias concorrentes, ceder e aceptar a cesión de uso dos bens patrimoniais, desenvolver



actividades de carácter prestacional e adoptar as medidas oportunas para alcanzar calquera outra finalidade de contido análogo ás anteriores; e en especial, as Deputacións Provinciais poderán subscribir con todos o algún dos municipios da provincia, convenios para garantir o acceso da poboación ao conxunto dos servizos municipais e maior eficacia na prestación destes.

Cuarto. *O presente convenio cumpre co establecido nos artigos 47 a 53 da Lei 40/2015, do 1 de outubro, de réxime xurídico do sector público.*

Quinto. *Ao contemplarse varias anualidades no novo convenio, o órgano competente para a súa aprobación é o Pleno de conformidade co disposto na base 16.3.b) de execución do orzamento.*

CONCLUSIÓN

Á vista do exposto, infórmase favorablemente a tramitación do novo convenio de colaboración entre a Xunta de Galicia, a Federación Galega de Municipios e Provincias e as Deputacións Provinciais da Coruña, Lugo, Ourense e Pontevedra en materia de emerxencias e prevención e defensa contra incendios forestais, para o desenvolvemento dos grupos de emerxencia supramunicipais durante o período 2025-2027, nos termos expostos.”

Vista a nota de conformidade emitida pola Secretaría Xeral en relación ao citado informe proposta, de acordo co disposto no artigo 3.4 do R.D.128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional.

Visto o informe da Intervención Xeral, de data 10 de xaneiro de 2025, no que se fan unha serie de observacións e se informa favorablemente o expediente, sinalando que a anualidade correspondente a 2025, por importe de 960.000,00 euros, será imputable á aplicación 25/923.1360.462.05, na que existe crédito suficiente para este fin no vixente Orzamento Provincial, quedando retido mediante documento RC núm.202500009824; as aportacións correspondentes aos anos 2026 e 2027 quedarán condicionadas á aprobación dos respectivos orzamentos para eses anos.

Visto o ditame favorable da Comisión Informativa de Cooperación local, Transfronteiriza e de Coordinación das Emerxencias Provinciais.

Por todo o exposto, en aplicación da base 16.3 b) das aprobadas para a execución do orzamento,
o PLENO ACORDA

Primeiro. *Aprobar o Convenio de colaboración entre a Xunta de Galicia, a Federación Galega de Municipios e Provincias e as Deputacións Provinciais da Coruña, Lugo, Ourense e Pontevedra en materia de emerxencias e prevención e defensa contra incendios forestais, para o desenvolvemento dos grupos de emerxencia supramunicipais para o período 2025-2027, cuxo*



teor literal se contén no documento referenciado co Código de verificación electrónica (CVE: DZsLITJhZUW6).

Segundo. Facultar ao Presidente da Deputación Provincial de Pontevedra para a formalización do mencionado convenio mediante a súa sinatura, así como para a aprobación de cantos outros documentos garden relación co mesmo.

Sometido a votación este asunto, a Comisión Informativa de Cooperación Local, Transfronteiriza e de Coordinacións das Emerxencias Provinciais, ditamina favorablemente por unanimidade, cos votos a favor dos/as deputados/as do Grupo Provincial do PP (9), do Grupo Provincial do PSdeG-PSOE (6) e do Grupo Provincial do BNG (2).

4. Rogos e preguntas

Non houbo.

E non habendo máis asuntos que tratar, a Presidencia dá por finalizada a reunión, sendo as doce horas e dez minutos, do que, como secretaria, dou fe.

Pontevedra, na data da sinatura electrónica

A secretaria da Comisión,

Marina Piñeiro Novo

